

~~T 5213~~/04415
T 5214.4

||

||

5

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAR 14 1932

THE UNIVERSITY OF CHICAGO
LIBRARY
1951 BY THE

唐詩紀事卷第三十一

竇叔向 五子常牟羣庠鞏



叔向字遺直京兆人代宗時常袞爲相用爲左拾遺內供奉及貶亦出爲溧水令四子登第羣以處士隱毗陵韋夏卿薦之朝德宗擢爲左拾遺代武元衡爲中丞薦呂溫楊士諤爲御史李吉甫以二人躁險持不下羣怨吉甫伺吉甫陰事幾爲憲宗所誅羣與兄常牟弟庠鞏皆爲郎工

詞章爲聯珠集行於時義取昆弟若五星然

常字中行登第隱居二十年終國子祭酒牟字貽
周終國子司業庠字胄卿終婺州刺史鞏字友
封元稹節度武昌辟爲御史中丞充副使雅裕
有名于時平居與人言若不出口世號囁嚅翁
卒於武昌

叔向寒食賜火云恩光及小臣華燭忽驚春電影
隨中使星輝拂路人幸因榆柳暖一照草茅貧

端午日恩賜百索云僊宮長命縷端午降殊私事
盛蛟龍見恩深犬馬知餘生儻可續終冀荅明
時

酬李袁州嘉祐云少年輕會復輕離老大關心總
是悲強說前程聊自慰未知攜手定何時公才
屈指登黃閣匪服胡顏上赤墀想到長安誦佳
句滿朝誰不念瓊枝益嘉祐以詩送叔向并寄
其弟紆云自歎未霑黃紙詔那堪遠送赤墀人

唐詩紀事 二
老爲僑客偏相戀素是詩家倍益親妻兒共載
無羈思鴛鴦同行不負身憑爾將書通令弟惟
論華髮愧頭巾故叔向詩有瓊枝之句

竇常

常任武陵寒食日次松滋渡先寄劉員外云杏花
榆莢曉風前雲際離離上峽船江轉數程淹驛
騎楚曾三戶少人煙看春又過清明節筭老重
經癸巳年幸得住山當郡舍在朝常詠卜居篇

常初登第桑道茂云二十年後出官後五度奏官
勅皆不下卽攝職久之至大曆十四年及第卽
二十年矣

北固晚眺云小園芒種後梅天風雨涼露蠶開晚
簇江燕遶危檣山趾北來固潮頭西去長年年
此登眺人事幾銷亡

途中立春寄楊郇伯云浪迹終年客驚心此地春
風前猶去馬澤畔耦耕人老大交情重悲涼外

物親子雲今在宅應見柳條新

七夕寄懷云露盤花水望三星髣髴虛無降匹靈
斜漢沒時人不寐幾條蛛網下風庭

竇牟

元日喜聞大禮寄四學士六舍人云有事郊壇畢
無私日月臨歲華春更早天瑞雪猶深玉輦回
時令金門降德音翰飛鴛鴦別侶叢植桂爲林粉
澤資鴻筆薰和本素琴禮成戎器下恩徹鬼方

沉麟爵來稱紀官師退絕箴道風黃閣靜祥影

紫垣陰壽酒朝時獻農書夜直尋國香煨翠幄

庭燎艷紅衾漢魏文章盛堯湯雨露霏密辭投

水石精義出沙金宸辰親惟敬鈞衡近匪侵長

驅千里駿清唳九霄禽慶賜迎新服齊莊棄舊

簪忽思班女怨遙聽越人吟末路甘貧病流年

苦滯淫夢中青瑣闥歸處碧山岑竊抃聞韶濩

觀光想韎任大哉寰海晏不算子牟心

牟秋夕閑居對雨贈別盧坦云燕燕辭巢蟬蛻枝
窮居積雨壞藩籬夜長簷溜寒無寢日晏厨煙
溼未炊悟主一言那可學從軍五百竟徒爲故
人駿馬朝天使洛下秋聲恐要知

竇羣

黔中書懷云萬事非京國千山擁麗譙佩刀看日
曬賜馬傍江調言語多重譯壺觴每獨謠泂流
如著翅不敢問歸橈

竇庠

陪留守韓僕射巡內至上陽宮感歎云愁煙漠漠
草離離太液鈎陳處處疑薄暮毀垣春雨裏殘
花猶發萬年枝

竇鞏

代隣叟云年來七十罷耕桑就暖支羸強下牀滿
眼兒孫身外事閑梳白髮對殘陽

永寧小園寄接近校書云故里心期奈別何手栽

芳樹憶庭柯東臯黍熟君應醉梨葉初紅白露
多

寄南遊弟兄云書來未報幾時還知在三湖五嶺
間獨立衡門秋水濶寒鴉飛去日銜山
自京將赴黔南云風雨荊州二月天問人初雇峽
中船西南一望雲和水猶道黔南有四千
南遊感興云傷心欲問當時事惟見江流去不迴
日暮東風春草綠鷓鴣飛上越王臺

放魚云金錢贖得免刀痕聞道禽魚亦感恩好去

長江千萬里不須辛苦上龍門武昌時也

宮人斜云離宮遠路北原斜生死恩深不到家雲
雨今歸何處去黃鸝飛止野棠花

新營別墅寄兄云懶性如今成野人行藏由興不
由身莫驚此度歸來晚買得山居正值春

樂天與微之書云君興有餘力且與僕悉索還往
詩中取其尤長者如張十八古樂府李二十新

歌行也盧楊二秘書律詩貞與寶七也元八絕

句博考精掇編而次之號元白往還詩集衆君子得擬議於此者莫不踴躍歡喜以為盛事

常建

題破山寺後禪院云清晨入古寺初日照高林竹徑通幽處禪房花木深山光悅鳥性潭影空人心萬籟此都寂但餘鐘磬音

歐陽永叔云吾嘗愛建竹逕通幽處禪房花木深欲効其語作一聯久不可得始知造意者為難工也來青州得一山齋不意平生想見而不能道以言者乃為已有於是益欲希其髣髴竟爾莫獲一言

丹陽商璠撰河岳英靈集首列建詩愛其山光悅鳥性潭影空人心

江上琴興云江山調玉琴一弦清一心泠泠七弦遍萬木澄幽陰能使江月白又令江水深始知

梧桐枝可以徽黃金

夢太白西峰云夢寐昇九崖杳靄逢元君遺我太
白岑寥寥辭垢氛結宇在星漢宴林閉氤氲簷
楹覆餘翠巾鳥生片雲時往溪谷間孤亭晝仍
曛松峰引天影石瀨清霞文恬目緩舟趣霽心
投鳥羣春風又搖擢潭島花紛紛

宿王昌齡隱居云清溪深不測隱處惟孤雲松際
露微月清光猶爲君茅亭宿花影藥院滋苔紋
余亦謝時去西山鸞鶴羣

昭君墓云漢宮豈不死異域傷獨沒萬里馱黃金
蛾眉爲枯骨迴軍夜出塞立馬皆不發共恨丹
青人墳上哭明月

吊王將軍墓云嫖姚北伐時深入強千里戰餘落
日黃軍敗鼓聲死常聞漢飛將可奪單于壘今
與山鬼隣殘兵哭遼水

送李十一尉臨溪云泠泠花下琴君唱渡江吟天

唐詩集卷八
八
際一帆影預懸離別心以言神仙尉因致瑤華
音迴軫撫商調越溪澄碧林

商璠云高才而無貴位誠哉是言也曩劉禎死於
文學左思終于記室鮑昭卒于參軍今常建亦
淪於一尉悲夫建詩似初發通莊却尋野逕百
里之外方歸大道所以其旨遠其興僻佳句輒
來惟論意表至如松際露微月清光猶爲君又
山光悅鳥性潭影空人心此例數十句並可稱

爲警策一篇盡善者戰餘落日黃軍敗鼓聲死
今與山鬼隣殘兵哭遼水思旣邈古詞又警絕
潘岳雖云能敘悲怨未見如此章句也

李約

汧公勉之子也爲兵部外郎與主客外郎張諗同
官每單牀靜言連旦不寐故約贈韋徵君沈詩
曰我有心中事不向韋三說秋夜洛陽城明月
照張八

歲日感懷云曙氣變東風蟾壺夜漏窮新春幾人
老舊曆四時空身賤悲添歲家貧喜過冬稱觴
唯有感喜慶在兒童

觀祈雨云桑條無葉土生烟簫管迎龍水廟前朱
門幾處看歌舞猶恐春陰咽管絃

過華清宮云君王遊樂萬機輕一曲霓裳四海兵
玉輦昇天人已盡故宮猶有樹長生

從軍行云看圖閑教陣盡地靜論邊烏壘天西戍
鷹姿塞上川路長唯算月書遠每題年無復生

還望翻思未別前又柵濠三面鬪箭盡舉烽頻
營柳和煙暮關榆帶雪春邊城多老將磧路少
歸人殺盡金河卒年年添塞塵又候火起鷓城
塵沙擁戰聲遊軍藏虜幟降騎說蕃情霜落彪
池淺秋深太白明嫫姚方虎視不覺說添兵

約雅度簡遠有山林之致在潤州得古鐵一片擊
之清越又養一猿名山公月夜泛江登金山鼓

琴猿必嘯和曾佐庶人李錡幕至金陵屢讚招
隱寺標致一日庶人宴寺中明日謂曰子嘗稱
招隱標致昨日遊宴何殊州中約曰某所賞者
疎野耳若遠山將翠幕遮古松用綵物裹羶腥
澆鹿跑泉音樂亂山鳥聲此則實不如在叔父
大廳也性又嗜茶能自煎曰茶須緩火炙活火
煎活火炭有焰者曾奉使行陝州硤石縣東愛
渠水清流旬日忘發梁武造寺令蕭子雲飛白

大書一蕭字約自江淮竭產致歸洛中扁於小
亭號曰蕭齋

約城南訪裴氏昆季云相思起中夜夙駕訪柴荆
早霧桑柘隱曉光溪澗明村蹊蒿棘間往往斷
新耕貧野烟火微盡無烏鳶聲田頭逢餉人道
君南山行南山千里峰盡是相思情野老無拜
揖村童多躑形相呼看車馬顏色喜相驚荒圃
鷄豚樂雨牆禾莠生欲君知我來壁上空書名

唐詩紀事 十一
柳中庸

江行詩云繁陰乍隱洲落葉初飛浦蕭蕭客舟帆
暮入寒江雨

夜渡江云夜渚帶浮烟蒼茫晦遠天舟輕不覺動
纜急始知牽聽笛遙尋岸聞香暗識蓮唯看去
帆影常恐客心懸

李端司馬於瓜州寄中庸云懷人同不寐清夜起
論文月魄正出海雁行斜上雲寒潮來灑灑秋

葉下紛紛便送江東去徘徊直待君

又江上別中庸云秦人江上見握手便沾衣

中庸子厚之族御史并之弟也與弟中行皆名有
文咸爲官早死

段成式西陽雜俎載柳中庸善易嘗詣普寂公公
曰筮吾心所在也柳曰和尚心在前簷第七題
復問之在某處寂曰萬物無逃於數也吾將逃
矣嘗測試之柳久之瞿然曰至矣寂然不動吾

唐詩紀事 十二 無得而知矣

郭鄭

寒食寄李補闕云蘭陵士女滿晴川郊外紛紛拜
古堦萬井閭閻皆禁火九原松栢自生煙人間
後事悲前事鏡裏今年老去年介子終知祿不
及王孫誰肯一相憐李公垂云常州建元寺在
郡東郭松扉竹院各在岡阜每寒食里人洒掃
經過之所大曆中詩人郭鄭賦寒食詩當時以

爲絕唱嘗在兒童卽聞此詩因和云江城物候
傷心地遠寺經過禁火辰芳草壠邊迴首客野
花叢裏斷腸人紫荆繁艷空門晝紅藥深開古
殿春歎惜光陰催白髮莫悲風月獨沾巾

皇甫冉送鄭詩云纔見吳洲百草春已聞燕雁一
聲新秋風何處催年急偏逐山行水宿人

鄭大曆貞元詩人也

韋處厚

盛山十二詩韓退之序云韋侯昔以考功顯曹盛山僻郡奪所宜處納之惡地以枉其材韋侯將怨且不釋矣或曰不然夫得利則躍躍以喜不得利則戚戚以泣若不可生者豈韋侯之謂哉韋侯讀六藝之文探周公孔子之意又妙能爲辭章可謂儒者夫儒者之於患難苟非其自取之其拒而不受於懷也若築河堤以障屋雷其容而消之也若水之於海冰之於夏日其玩而

忘之以文辭也若奏金石以破蟋蟀之鳴虫飛之聲況一不快於考功盛山一出入息之間哉未幾果有以韋侯所爲十二詩遺余者其意方且以入溪谷上巖石追逐雲月不足日爲事讀而詠歌之令人欲棄百事往而與之游不知其出於巴東以屬胸臆也於是應而和者凡十人及此韋侯爲中書舍人侍講六經禁中和者通判元司馬稹爲宰相洋州許使君康佐爲京兆

忠州白使君居易為中書舍人李使君景儉為
 諫議大夫黔府嚴中丞謨為秘書少監温司馬
 造為起居舍人皆集闕下於是盛山之十二詩
 與其和者大行於時聯為大卷家有之焉慕而
 為者將日益多則分為別卷韋侯俾予題其首
 隱月岫云初映鈎如線終銜鏡似鈎遠澄秋水色
 高倚曉河流

流杯渠云激曲縈飛箭浮溝泛滿卮將來山太守

草向習家池

竹崑云不資冬日秀為作暑天寒先植誠非鳳來

翔定是鸞

繡衣石榻云

為温侍御置

崑嶸雪中嶠磊落標方峭勿

為枕蒼山還當礎清廟

宿雲亭云雨合飛危砌天開卷曉窻齊平連郭柳

帶繞抱城江

梅谿云夾岸凝輕素交枝漾淺淪味調方薦實臘

近又先春

桃塢云噴日舒紅景通蹊茂綠陰終期王母摘不
羨武陵深

胡盧沼云疏鑿徒為巧圓窪目可澄倒花紛錯秀
鑑月靜涵冰

茶嶺云顧渚吳商絕蒙山蜀信稀千叢因此始含
露紫英肥

盤石磴云繚繞緣雲上璘玢玃玉聯高高曾幾折

極目瞰秋鳶

琵琶臺云福地難層口因嵯遂削成淺深嵐嶂色
盡向此中呈

上士銜泉云為柳律師置綆汲豈無井巖顛貴非浚願

洗塵垢餘一雨根莖潤

權德輿

雜詩云婉彼羸氏女吹簫偶簫史綵鸞駕非煙綽
約兩僊子神期諒交感相顧乃如此豈比成都

人琴心中夜起又云陽臺巫山上風雨忽清曠
朝雲與遊龍變化千萬狀魂交復目斷縹緲難
比况蘭澤不可親凝情坐惆悵又云淇水春正
綠上宮蘭葉齊光風雨搖蕩鳴珮出中閨一顧
授橫波千金呈瓠犀徒然路傍子怳怳復悽悽
侍御舅初免職歸東山寄以詩云靡靡南軒蕙迎
風轉芬滋落落幽澗松百尺無附枝世物自多
故達人心不羈偶陳幕中畫未負林間期感恩

從慰薦循性難繫維野鶴無俗質孤雲多異姿
清冷松露泫照灼巖花遲終當稅塵駕來就東

山嬉

江行云曉風搖五兩殘月映石壁稍稍曙光開片

帆在空碧

右

孤舟漾暖景獨鶴下秋空安流日

正晝淨綠天無風

右

古樹夕陽盡空江暮靄收

寂寞叩船坐獨生千里愁

右

猿聲到枕上愁夢

紛難理寂寂深夜寒清霜落秋水

右

德輿字載之元和中爲相其文雅正瞻縟動止無外飾其醞籍風流自然可慕

楊嗣復序其文集曰貞元中奉詔考定賢良草澤之士升名七十七人及爲禮部侍郎擢進士第者七十有二鸞鳳杞梓舉集其門登輔相之位者前後十人

載之送陳秀才應舉序云陳侯工詩賦長波清瀾浩浩不窮屯田柳郎中爲予誦其佳句曰地偏

雲自起日暮山更深及後見其卷又有過於是

者

不知陳氏之名今載于此

和潘孟陽迴文絕句云酒杯春醉好飛雲晚庭閒久憶同前賞中林對遠山

張薦

德宗時薦作祕書監權載之以離合詩贈之云黃葉從風散暗嗟時節換忽見鬢邊霜勿辭林下
躬行君子道身負芳名早帳殿漢官儀巾車

塞垣草交情劇斷金文律每招尋始知逢山下
如見古人心薦和云移居旣同里多幸陪君子
弘雅重當朝弓旌早見招植根瓊林圃直上金
闈步觀深子玉銘力競相如賦間闊向春闈日
復想光儀格言信難繼木石強爲詞

薦和潘孟陽迴文絕句云遲遲日氣暖漫漫雪天
春知君欲醉飲思見此交親

薦字孝舉唐史有傳

崔邠

和權載之離合詩云脉脉羨佳期月夜吟麗詞諫
垣旣隨步東觀方承顧竹雪消艷陽簡冊漏華
光重坐芝蘭室千載各芬芳節苦文俱盛卽時
人並命翩翩紫睿中羽翮相輝映

字處仁時爲中書舍人唐史有傳

楊於陵

和權載之離合詩云技德盡珪璋才臣時所揚放

情寄文律方茂經邦術王猷符發揮十載契心
期晝遊有嘉話書法無隱辭信茲酬和美言與
芝蘭比昨來恣吟繹日覺祛蒙鄙

時爲中書舍人唐史有傳

許孟容

荅權載之離合詩云敏才司祕府文哲今超古亦
有擅風騷六聯文墨曹聖賢三代意工藝千金
字化識從臣謠人推仙閣吏如登崑閬時口誦

靈真詞孫簡下威鳳系霜瓊玉枝

時爲給事中唐史有傳

馮伉

和權載之離合詩云車馬退朝後聿懷在文友動
詞宗伯雄重美良史功亦曾吟鮑謝二妙尤增
價雨霜鴻唳天匝樹鳥鳴夜卓思客縱橫早擅
希代名息心欲焚硯自覲陪羣英

時爲給事中唐史有傳

潘孟陽

和權載之離合詩云詠歌有離合永夜觀酬荅笥
中操綵箋竹簡何足編意深俱妙絕心契交情
結計彼官接聯言初並清切翔集本相隨羽儀
良在斯煙雲競文藻因喜翫新詩
春日雪以迴文絕句呈張薦權德輿云春梅雜落
雪發樹幾花開真須盡興飲仁里願同來時未
四十爲戶部侍郎唐史有傳

武少儀

和權載之離合詩云少年慕時彥小晤文多變木
鐸比羣英八方流德聲雷陳美交契雨雪音塵
繼恩顧各飛翔因詩覩瑰麗傳野絕遺賢人希
有盛遷早欽風與雅日詠贈酬篇
時爲國子司業

鄭常

寄邢逸人云羨君無外事日與世情稀地僻人難

到溪深鳥自飛儒衣荷葉老野飯藥苗肥疇昔
江湖意如今憶共歸

謫居漁陽至白沙口阻雨題驛云漁陽知遠近見
說過湓城雲雨經春客江山幾日程終隨鷗鳥
去祇待海潮生前路逢漁父多慙問姓名

送頭陀上人自廬山歸東溪云僧家無住著早晚
出東林行道非真相頭陀是苦心持齋山菓熟
倚錫野雲深溪寺誰相待香花與梵音

高仲武云常省靜婉靡雖未洪深已入文流翻翻
然有士風故錄之

鄭轅

清明賜新火詩云改火清明後優恩賜近臣漏殘
丹禁晚燧發白榆新瑞綵來雙闕神光煥四隣
氣回侯第暖煙散帝城春利用調羹鼎餘輝燭
搢紳皇明如照隱願及聚螢人

轅大曆九年進士

韓濬

清明賜新火詩云玉騎傳紅燭天厨賜近臣火隨
黃道見烟繞白榆新榮耀分他室恩光共此辰
更調金鼎膳還暖玉堂人灼灼千門映輝輝萬
井春應憐聚螢者瞻望獨無隣

李端送濬及第歸江東覲省詩云登龍并折桂歸
去當高車舊楚楓猶暗前隋柳已疎月中逢漢
客浪裏得鄉書見說江邊住知君不厭魚

濬大曆九年進士

王濯

清明賜新火詩云御火傳香殿華光及侍臣星流
中使馬燭耀九衢人傳影連金屋分輝麗錦茵
焰迎紅藥發煙染綠條春助律和風早添爐暖
氣新誰憐一寒士猶望照東隣

濯登大曆九年進士第

張莒

元日望含元殿御扇開合詩云萬國來朝歲千秋
觀聖君輦迎仙仗出扇匝御香焚俯對朝容近
先知曙色分冕旒開處見鐘磬合時聞影動承
朝日花攢似慶雲蒲葵那可比徒用隔炎氛
柳子厚先友碑云莒長山人登大曆九年第大中
時官吏部外郎

張叔良

長至上公獻壽詩云鳳闕晴鐘動鷄人曉漏長

九重初起鑰三事正稱觴日至龍顏近天旋聖
曆昌休光連雪淨瑞氣雜爐香化被君恩洽恩
沾士庶康不因稽典舊誰得紀朝章

叔良登廣德二年進士第

唐詩紀事卷第三十一

終

唐詩紀事卷第三十二

崔琮

長至上公獻壽詩云應律三陽首朝天萬國同
斗邊看子月臺上候祥風五夜鐘初曉千門日
正融玉堦文物盛僊仗武貌雄率舞皆羣辟稱
觴卽上公南山爲聖壽長對未央宮
琮登大曆二年進士第

李竦

唐詩紀事
長至上公獻壽詩云候曉金門闢乘時寶曆長
羽儀瞻上宰雲物麗初陽漢禮方傳佩堯年正
捧觴日行臨觀闕帝錫洽珪璋盛美超三代洪
休降百祥自憐朝不坐空此詠無疆
竦登大曆二年進士第官于京師朱泚亂竦與關
播盧杞皆踰垣走追及帝咸陽

裴逵

或作
逵

南至日太史登臺書雲物詩云圓丘纔展禮佳氣

近初分太史新簪筆高臺紀彩雲煙空和縹緲
曉色共氛氳道泰資賢輔年豐荷聖君恭惟司
國瑞兼用察人文應念懷鈔客終朝望碧霄
逵登大曆進士第

于尹躬

南至日太史登臺書雲物詩云至日行時令登臺
約禮文官稱伯趙氏色辨五方雲晝漏聽初發
陽光望漸分用天爲歲備持簡出人羣惠愛周

微物生靈荷聖君長當有嘉瑞郁郁復紛紛
尹躬大曆進士元和間爲中書舍人坐其弟臯漢
以贓獲罪左授洋州刺史制云雖無從坐之法
合當失教之責

顏粲

吳宮教美人戰云有客陳兵畫功成欲霸吳玉顏
承將略金鈿指軍符轉佩風雲暗鳴聲錦繡趨
雪花頻落粉香汗盡流珠掩笑誰干令嚴刑必
用誅至今孫子法猶可靜邊隅

粲登建中進士第

葉季良

吳宮教美人戰云強吳矜霸略講武在深宮盡出
嬌娥妓先觀上將風揮戈羅袖卷擐甲汗粧紅
掩笑分旗下含羞入隊中鼓停行未正刑舉令
纔崇自可威隣國何勞逞戰功

季良登貞元進士第

陳通方

金谷園懷古云緩步洛城下軫懷金谷園昔人隨
水逝舊樹逐春繁冉冉搖風弱菲菲裛露翻歌
臺豈易見舞袖乍如存戲蝶香中起流鶯暗處
喧徒聞施錦帳此地擁行軒

通方登貞元進士第與王播同年播年五十六通
方甚少因期集撫播背曰王老奉贈一第言其
日暮途遠及第同贈官也播恨之後通方丁家

艱辛苦萬狀播捷三科爲正郎判鹽鐵通方窮
悴求助不甚給之時李虛中爲副使通方以詩
求爲汲引云應念路傍憔悴翼昔年喬木幸同
遷播不得已薦爲江西院官

嚴公弼

題漢州西湖云西湖創置自房公心匠縱橫造化
同見說鳳池推獨步高名何事滯川中

公弼公貺嚴震之子震梓州人建中中爲鳳州刺

史治行爲山南第一封鄖國公公弼襲封

嚴公貺

題漢州西湖云鳳沼才難盡餘思鑿西湖珍木羅
修岼冰光映坐隅琴臺今寂寞竹島尚縈紆猶
蘊濟川志芳名終不渝

柳子厚序送公貺下第歸興元觀省云相國馮翊
公極人臣之尊分天子之憂殿邦坤隅柄是文
武而子之伯仲皆脫略貴美服勤儒素故繼登
上科以及於子是可舉嚴氏之教誦乎他門使
有矜式也子何患賈之不售耶

王表

大曆十四年侍郎潘炎試花發上林苑表詩云御
苑春何早繁花已繡林笑迎明主仗香拂美人
簪地接樓臺近天垂雨露深晴光來戲蝶夕景
動棲禽欲託凌雲勢先開捧日心方知桃李樹
從此別成陰

清明日登城春望寄大夫使君詩云春城閑望愛
晴天何處風光不眼前寒食花開千樹雪清明
日出萬家煙興來促席唯同舍醉後狂歌盡少
年聞說鶯啼却惆悵詩成不見謝臨川

元稹敘詩寄樂天詩云有人以陳子昂感遇詩相
示吟翫激烈卽日爲寄思玄子詩二十首故鄭
京兆於僕爲外諸翁深賜憐獎因以獻京兆翁
深相駭異秘書少監王表在座顧謂表曰使此

兒五十不死其志義何如哉惜吾輩不見其成
就因召諸子訓責泣下僕亦竊不自得於是勇
於爲文又久之得杜甫詩數百首愛其浩蕩津
涯處處皆到始病沈宋之不存寄興而訝子昂
之未暇旁備矣不數年與詩人楊巨源友善日
課爲詩性復僻懶人事常日閑則有作識足下
時有詩數百篇矣

表大曆十四年潘炎下登第時謂榜有六異朱遂

爲朱滔太子表爲李納聳彼軍呼爲駙馬趙博
宣爲易定押衙袁同直入番爲阿師竇常二十
年稱前進士其一奚陟也或曰六差

陸贄

大曆八年試禁中春松云陰陰清禁裏蒼翠滿春
松雨露恩偏近陽和色更濃高枝分曉月虛吹
雜宵鍾香助爐烟遠形疑蓋影重願符千載壽
不羨五株封幸得回天眷全勝老碧峰

錢起喜贄擢第還蘇州云鄉路歸何早雲間喜擅
名思親盧橘熟帶雨客帆輕夜火臨津驛晨鐘
隔浦城華亭養仙羽計日再飛鳴

楊炎

流崖州至鬼門關作云一去一萬里千知千不還
崖州何處在生度鬼門關

元載末年納薛瑤英爲姬處以金絲帳却塵褥衣
以龍綃衣載以瑤英體輕不勝重衣於異國求

此服也唯賈至與炎雅與載善往往時見其歌
舞至贈詩云舞怯銖衣重笑疑桃臉開方知漢
成帝空築避風臺炎亦贈歌云雪面淡眉天上
女鳳簫鸞翅欲飛去玉山翹翠步無塵楚腰如
柳不勝春

炎字公南常袞長於除書炎善德音自開元後言
制詔者稱常楊元載與炎同郡炎又元出也故
擢炎禮部侍郎德宗時位宰相

元季川

泉上雨後作云風雨蕩繁暑雷息佳霽初衆峯帶
雲雨清風入我廬颼颼涼颼來臨窺愜所圖綠
蘿長新蔓裊裊垂坐隅流水復簷下丹砂發清
渠養葛爲我衣種芋爲我蔬誰是畹與畦瀰漫
連野蕪

山中曉興云河漢降玄霜昨來節物疏媿無神仙
姿亦有陰陽俱靈鳥望不見慨然悲高梧華葉

隨風楊珍條雜榛蕪爲君寒谷吟歎息知何如
季川大曆貞元間詩人也一曰季川名融元次山
之弟也次山作處規云季川云旣復不言旣有

意乎

旣兄之
別稱也

蔣渙

和徐侍郎書叢篠韻云中禁夕沉沉幽篁別作林
色連鷄樹近影落鳳池深爲重凌霜節能虛應
物心年年承雨露長對紫庭陰

渙儀鳳宰相智周之孫與兄冽皆進士渙永泰初
歷鴻臚卿日本使嘗遺金帛不納唯取牋一番
爲書以貽其副云終吏部尚書冽終尚書左丞
包何

江上田家云近海川原薄人家本自稀黍苗期臘
酒霜葉是寒衣市井誰相識漁樵夜始歸不須
騎馬問恐畏狎鷗飛

同諸公尋李方真不遇云聞說到揚州吹簫有舊

遊人來多不見莫是上迷樓

和苗員外寓直中書寄臺中舍弟云朝列稱多士
君家有二難貞爲臺裏栢芳作省中蘭夜直分
曹澗晨趨接武歡每憐雙闕下雁序入鴛鸞
闕下芙蓉云一人理國致昇平萬物呈祥助聖明
天上河從闕下過江南花向殿前生慶雲垂蔭
開難落湛露爲珠滿不傾更對樂懸張宴處歌
工欲奏採蓮聲

賦得秤送孟孺卿云願以金垂秤因君贈別離鈞
懸新月吐衡舉衆星隨掌握須平執錙銖必盡
知由來投分定莫被弄權疑

何字幼嗣融之子也大曆中爲起居舍人

劉商

秋夜聽嚴紳巴童唱竹枝歌云巴人遠從荆山客
回晉荆山楚雲隔思歸夜唱竹枝歌庭槐葉落
秋風多曲中歷歷敘鄉思鄉思綿綿楚詞古身

騎吳牛不畏虎手提蓑笠欺風雨猿啼日暮江
岸邊綠蕪連山水連天來時十三今十五一成
新衣已再補鴻雁南飛報隣伍在家歡樂辭家
苦天晴露白鐘漏遲淚痕滿面看竹枝曲終寒
竹風裊裊西方日落東方曉

移居深山謝別親故云不食黃精不採薇葛苗爲
帶草爲衣孤雲更入深山去人絕音書雁自飛
商高情放遊戲爲山水木石自張璪貶後惆悵賦

詩曰苔石蒼蒼臨澗水溪風裊裊動松枝世間
唯有張通會流向衡陽那得知

商彭城人居長安劉禹錫作高陵令劉仁師遺愛
碑云武德名臣刑部尚書德威三代孫大曆中
詩人商之猶子其名重如此商終於檢校禮部
郎中汴州觀察判官

胡笳銅雀妓云魏主矜蛾眉美人美於玉高臺無
晝夜歌舞竟未足盛色如轉圓夕陽落深谷仍

唐詩紀事 十一 源古閣
令身歿後尚縱平生慾紅粉淚縱橫調絃向空
屋舉頭君不在唯見西陵木玉輦豈再來嬌鬟
爲誰綠那堪秋風裏更舞陽臺曲曲罷情不勝
闌干向西哭臺邊生野草來去胷羅縠況復陵
寢間雙雙見麋鹿

古意云達曙寢衣冷開門霜露凝風吹昨夜淚一
片枕前冰

滑州送人先歸云河水冰銷旅雁飛寒衣未足又

春衣自憐飄蕩經年客送別千迴獨未歸

孫海

陸餘慶與陳子昂盧藏用爲方外十友孫海工於
五言爲賀賓客所賞自省郎典潮州但賦詩自
適

題奉國寺云新秋夜何爽露下風轉淒一磬竹窻
下千峰花塔西

題龍門寺云窗燈林靄裏門磬水聲中更與龍華

會爐煙滿夕風

孫長源有才思嘗爲諷刺云忽然一曲稱君心破
却中人百家產又云城外平人驅欲盡帳中猶
打袞花毬

唐詩紀事卷第三十二

終

唐詩紀事卷第三十三

李吉甫

九日小園獨謠贈門下武相公云小園休沐暇暫
與故山期樹杪懸丹棗苔陰落紫梨舞叢新菊
徧繞格古藤垂受露紅蘭晚迎霜白薤肥上公
畱鳳沼冠劍俟清祠應念端居者長慙補袞詩

武元衡

九日致齋禁省和中書李相公云齋沐限中禁家

山傳勝遊露寒潘省夜木落庾園秋蘭菊回幽
步壺觴絕舊儔位高天祿閣詞異畔牢愁孤思
琴先覺馳暉水共流明朝不相見清祀在園丘
送唐次云都門去馬嘶灞水東流淺青槐驛路長
白日離亭晚望望煙景微草色行人遠
早秋西亭宴徐員外詩云鼎鉉辭台坐麾幢領益
州曲池連月曉橫笛滿城秋有美皇華使曾同
白社遊今來重相見偏覺艷歌愁

元衡字伯蒼元和二年爲相代高崇文鎮蜀八年
召還途經百牢關題石洞詩云昔佩兵符去今
持相印還天光臨井絡春物度巴山鳥道青冥
外風泉洞壑間何慙班定遠辛苦玉門關

送柳侍御裴起居云沱江水綠波喧鳥去喬柯南
浦別離處東風蘭麝多長亭春婉婉層漢路蹉
跎會有歸朝日班超奈老何又云望鄉臺上秦
人去學射山中杜魄哀落日河橋千騎別春風

唐詩紀事
二
寂寞旆旌迴

酬嚴司空荆南見寄云金貂再入三公府玉帳連
封萬戶侯簾捲青山巫峽曉雲凝碧岫渚宮秋
劉琨坐嘯風清塞謝朓裁詩月滿樓白雪調高
歌不得美人南國翠娥愁

送張諫議赴闕云詔書前日下丹霄頭戴儒冠脫
皂貂笛怨柳營煙漠漠雲愁江館雨蕭蕭鷓鴣鴻
得路爭先翥松桂凌霜貴後彫歸去朝端如有

問玉門關外老班超

二詩韋莊
又玄集

元衡善爲五言好事者傳之被之管絃嘗夏夜作

詩云夜久喧暫息池臺惟月明無因駐清景日
出事還生明日遇害初元和八年元衡自蜀再
輔政時太微犯上相歷執法占者言今之三相
皆不利始輕末重月餘李絳以足疾免明年十
月李吉甫以暴疾卒至是元衡爲盜所害年五
十八始元衡與吉甫齊年又同爲宰相及出鎮

唐詩紀事 三
分領楊益及吉甫再入元衡亦還吉甫先一年
以元衡生月卒元衡後一年以吉甫生月卒吉
凶之數若符會焉先是長安謠曰打麥麥打三
三三既而旋其袖曰舞了也解者謂打麥者打
麥時也麥打者謂暗中突擊也三三三謂六月
三日也舞了也謂元衡之卒也

元衡卒劉禹錫作佳人怨二章云寶馬鳴珂踏曉
塵魚文匕首犯華茵適來行哭里門外昨夜華

堂歌舞人又云秉燭朝天遂不回路人彈指望
高臺墻東便是傷心地夜夜秋螢飛去來

鄭網

奉和武相公省中宿齋酬李相公見寄云高閣安
仁省名園廣武廬沐蘭朝太乙種竹詠華胥禁
靜疎鐘徹庭開爽韻虛洪鈞齊萬物縹帙整羣
書寒露滋新菊秋風落故蕖同懷不同賞幽意
竟何如

唐詩紀事 四
細字文明善屬文所交皆天下名士憲宗初拜相
默默居位四年罷爲太子賓客太和中以太子
太傅致仕卒

細守道寡欲所居不爲烜赫事以篤實稱

細九日懷邵二詩云十歲此辰同醉友登高各處
已三年又懷林十二云情人共惆悵良友不同
遊其重友如此又有九月十五日東亭望月詩
云紫閣道流今不見紅樓禪客早曾聞

獨孤良弼

上巳接清明遊宴詩云上巳歡初罷清明賞又追
聞年侵舊曆令節併芳時暮雨鶯飛重春風酒
醞遲尋花迷白雪看柳折青絲淑氣如相待天
和意爲誰吁嗟名未立空詠宴遊詩

良弼貞元間進士也爲左司郎中又有良史者登
進士第

獨孤綬

唐詩紀事 五
投珠於泉詩云至道歸淳化明珠必棄捐天真來
照乘成性却沉泉不是靈蛇吐非緣合浦還岸
傍隨月落波底共星懸致遠終無脛懷貪遂息
肩欲知恭儉德所寶在惟賢

德宗多召學術之士躬自考試又制科宣政殿如
稱旨卽翹足高吟徧示宰臣曰此皆朕門生也
獨孤綬所司試馴象賦及其本上上吟其句曰
化之式孚則必受乎來獻物或違性斯用感於

至仁上以綬爲知去就故特書第三先是代宗
朝越人獻象三十有二上悉放之於山之南而
綬不辱其受獻不傷其放棄故賞其知去就焉
綬舉博學宏詞吏部考當乙科子邵覆之置甲科
人咨其公

李季何

立春日曉望三素雲詩云靄靄青春曙飛仙駕五
雲浮輪初縹緲承蓋下氤氳薄影隨風度殊容

唐詩紀事 六
向日分羽毛紛共遠環珮杳猶聞靜合煙霞色
遙將鸞鶴羣年年瞻此節應許從元君
李何登貞元十一年進士第

李應

立春日曉望三素雲詩云玄鳥初來日靈僊望裏
分水容朝上界玉輦擁朝雲碧落流輕艷紅霓
間采文帶烟時縹緲向斗更氤氳鬢鬢隨風馭
迢遙出曉霧茲辰三見後希得從元君

應登貞元十一年進士第

盧拱

中元日觀法事云四孟逢秋序三元得氣中雲迎
碧落步章奏玉皇宮壇滴槐花露香飄栢子風
羽衣凌縹緲瑤轂輾虛空久慕餐霞客常悲習
蓼虫青囊如可授從此訪鴻濛

姚合送盧拱祕書遊魏詩云官閒身自在詩險語
分明車馬應回晚煙花滿去程

楊巨源寄申州盧拱使君云領郡仍聞總虎貔致
身還是見男兒小船隔水催桃葉大鼓當風舞
柘枝酒坐微酣諸客倒毬場慢撥幾人隨從來
樂事憎詩苦莫放窓中遠岫知

元稹自唐歸京拱時爲秘書郎以詩贈樂天兼以
遺稹稹和云新識蓬山傑深交翰苑材連投珠
作貫獨和玉成堆劇敵徒相軋羸師亦自媒

李觀

字元賓以文馳聲貞元中卒於校書郎陸希聲序
其文曰退之窮老不休終不能爲元賓之辭使
元賓後退之死亦不能及退之之質退之大革
流弊落落有老成風元賓則不古不今卓然自
作一體激揚發越若絲竹中有金石聲每篇得
意處如健馬在銜蹠蹶不能止其所長如此
觀贈馮宿云寒城上秦原遊子意飄飄黑雲截萬
里獵火從中燒陰空蒸長烟殺氣獨不銷水交

石可裂風疾山如搖時無青松心顧我獨不凋
宿裴友書齋云臥君山窗下山鳥與我言清風何
颼颼松栢中夜繁久遊失歸趣宿此似故園林
煙橫近郊谿月落古原稚子不待曉花間出柴
門

貞元八年宏詞試中和節詔賜公卿尺詩云淑節
韶光媚皇明寵錫崇具寮頒玉尺成器幸良工
豈止尋常用將傳度量同人何不取利物亦賴

其功紫翰宣殊造丹誠厲匪躬奉之無失墜恩
澤自天中

裴度

至日登樂遊園云陰律隨寒改陽和應節生祥雲
觀魏闕瑞氣映秦城驗炭論時政書雲受歲盈
影移長日至霧歛遠霄清景暖僊梅動風柔御
柳傾那堪封得意空對物華情

公出討淮西過女兒山下刻石題詩後果尅期平

唐詩紀事 九
賊其詩云待平賊壘報天子莫指僊山示武夫
由是淮蔡底平民安生業白居易作詩二百言
繼公篇之末何處畫功業何處題詩篇麒麟高
閣上女儿小山前爾後多少時四朝二十年賊
骨化爲土賊壘犁爲田一從賊壘平陳蔡民晏
然驟軍成牛戶鬼火變人煙生子已嫁娶種桑
亦絲綿皆云公之德欲報無由緣公今在何處
守都鎮三川舊宅留永樂新居開進賢今公在

何官被袞珥貂蟬戰袍破猶在髀肉生欲圓
傍水閑行詩云閑餘何處覺身輕暫脫朝衣傍水
行鷗鳥亦知人意靜故來相近不相驚

公赴敵淮西題名華嶽廟之闕門大順中戶部侍
郎司空圖以一絕紀之曰嶽前大隊赴淮西從
此中原息戰髀石闕莫教苔蘚上分明認取晉

公題

公貞元中作鑄劍戟爲農器賦其首云皇帝之嗣

位三十載寰海鏡清方隅砥平驅域中盡歸力
稽示天下不復用兵其後作相立殊勳致太平
已見於文矣公題南莊云野人不識中書令喚
作陶家與謝家樂天有詩云陶廬僻陋那堪比
謝墅幽微不足攀何似嵩峰三十六長隨申甫
作家山

樂天求馬裴贈以馬因戲云君若有心求逸足我
還留意在名姝引妾換馬之事意有所屬也樂

天答云安石風流無奈何欲將赤驥換青娥不
辭便送東山去臨老何人與唱歌

貞元八年公試宏詞有司以中和節詔賜公卿尺
爲題公詩曰陽和行慶賜尺度及羣公荷寵承
佳節傾心立大中短長思合制遠近貴攸同共
仰裁成德將酬分寸功作程施有政垂範播無
窮願續南山壽千春奉聖躬

中書卽事云有意効承平無功荅聖明灰心緣忍

唐詩紀事 十一
事霜鬢爲論兵道直身還在恩深命轉輕鹽梅
非擬議葵藿是平生白日長懸照蒼蠅謾發聲
嵩陽舊田地終使謝歸耕

唐趙璘云晉公貞元中作鑄劍戟爲農器賦云觀
其氣槩已有立殊勳致太平之意進士李爲作
淚及輕薄暗小四賦李賀作樂府多屬意花草
蜂蝶之間二子終不遠大文字之作可以定相
命優劣矣

韋同則

仲月賞花云梅花似雪柳含煙南地風光臘月前
把酒且須拚却醉風流何必待歌筵

同則建中時詩人也有韋同正者登建中四年第

陳蛻

蛻肅代間人賦長安十五詠自序云蛻生長江淮
間以詩句從賦僅十餘年矣今我后撫運澤及
四夷蛻復得爲太平人其華清宮詩有夢裏換

春秋之句

唐詩紀事卷第三十三終

唐詩紀事卷第三十四

韓愈

司空圖云金之精麤攷其聲皆可辨也豈清於磬而渾於鍾哉然則作者爲文爲詩才格亦可見豈當善於彼不善於此耶愚觀文人之爲詩詩人之爲文始皆繫其所尚所尚旣專則搜研愈至故能銜其功於不朽亦猶力巨而鬪者所持之器各異而皆能濟勝以爲勅敵也愚嘗覽韓

吏部歌詩累百首其驅駕氣若掀雷挾電撐
抉於天地之垠物狀其變不得鼓舞而徇其呼
吸也其次皇甫祠部文集外所作亦爲道逸非
無意於深密蓋或未遑耳今於華下方得柳詩
味其探搜之致亦深遠矣俾其窮而克壽抗精
極意則固非瑣瑣者輕可擬議其優劣又嘗觀
杜子美祭太尉房公文李太白佛寺碑贊宏拔
清厲乃其歌詩也張曲江五言沈鬱亦其文筆

也豈相傷哉噫後之學者褊淺片詞隻句未能
自辨已側目相詆訾矣痛哉因題柳集之末庶
俾後之詮評者罔惑偏說以益其全云

洛邑得休告華山窮絕陁倚巖睨海浪引袖拂天
星日駕此迴轄金神所司刑泉紳拖修白石劍
攢高青磴蘚連拳跼梯飈飈伶俚傳悔狂已咋指
垂誠仍鐫銘退之答張徹詩也李肇載登華事
信有之沈顏遺肇書謂退之託此以悲世人登

高而不知止且示誠焉皇甫湜作韓先生墓誌云長慶四年八月昌黎韓先生旣以疾免吏部侍郎書諭湜曰死能令我躬所以不隨世磨滅者惟子以爲囑其年十二月丙子遂薨明年其孤昶使奉功緒之錄繼訃以至三月癸酉葬河陽乃哭而敘其墓其詳將揭之於神道碑云先生諱愈字退之後魏安桓王茂六代孫祖朝散大夫桂州長史諱叡素父祕書郎贈尚書左僕

射諱仲卿先生七歲好學言出成文及冠恣爲書以傳聖人之道人始未信旣發不掩聲震業光衆方驚爆而萃排之乘危將顛不懈益張卒大信於天下先生之作無圓無方至是歸工抉經之心執聖之權尚友作者跂邪觝異以扶孔氏存皇之極人知人罪非我計茹古涵今無有端涯渾渾灑灑不可窺按及其酣放豪曲快字凌紙怪發鯨鏗春麗驚耀天下然而栗密窈眇

唐言紀事 三
章妥句適精能之至入神出天嗚呼極矣後人
無以加之矣姬氏以來一人而已矣始先生以
進士仕歷官二十有七其爲御史尚書郎中中
書舍人前後三貶皆以疏陳治事廷議不隨爲
罪常惋佛老法潰聖人之隄乃倡而築之及爲
刑部侍郎遂章言憲宗迎佛骨非是任爲身耻
上怒天子先生處之安然就貶八千里海上嗚
呼古所謂非苟知之亦允蹈之者耶吳元濟反

吏兵久遁無功國涸將疑衆懼恟恟先生以右
庶子兼御史中丞行軍司馬宰相軍出潼關請
先乘遽至汴感說都統師乘遂和卒擒元濟王
廷湊反圍牛元翼於深救兵十萬望不敢前詔
擇廷臣往諭衆慄縮先生勇行元稹言於上曰
韓愈可惜穆宗悔馳詔無徑入先生曰止君之
仁死臣之義遂至賊營麾其衆責之賊惶汗伏
地乃出元翼春秋美臧孫辰告糴于齊以爲急

病投其難易孰爲宜褒嗚呼先生真古所謂大
臣者耶遷拜京兆尹歛禁軍帖早糴鬻倖臣之
鉅再爲吏部侍郎薨年五十七贈禮部尚書先
生與人洞朗軒闥不施戟級族姻友舊不自立
者必待我然後衣食嫁娶喪葬平居雖寢食未
嘗去書怠以爲枕餐以飴口講評孜孜以磨諸
生恐不完美游以談笑嘯歌使皆醉義忘歸嗚
呼可謂樂易君子鉅人者矣夫人高平郡君范

陽盧氏孤前進士昶壻左拾遺李漢婿集賢校
理樊宗懿次女許嫁陳氏三女未笄銘曰維天
有道在我先生萬頸胥延坐廟以行令望絕耶
痾此四方惟聖有文垂違歲千先生起之焯役
於前曠義滂仁耿照充天有如先生而合亘年
按我章書經紀大環唵不時施昌極後昆噫嘻
永歸知心之悲

喚起窗前曙催歸日未西無心花裏鳥更與盡情

啼乃二禽名也喚起聲如絡緯圓轉清亮偏鳴於春曉江南謂之春喚催歸子規也

謹按公生於代宗大曆三年戊申

德宗貞元八年壬申是歲公登第二十五

十一年乙亥上宰相三書時趙璟賈耽盧邁為相是歲欲相延齡陽城諫

止

五月東歸作感二鳥賦其末云幸年歲之未暮庶無羨於斯類時二十八

十三年丁丑從董晉辟為汴宋潁亳觀察推官

十五年己卯二月晉薨公隨晉喪歸既出四日宣

武軍亂殺行軍司馬陸長源公作汴州亂二章

云汴州城門朝不開天狗墮地聲如雷健兒爭

誘殺留後連屋累棟燒成灰諸侯咫尺不能救

孤士何者自興哀又曰母從子走者為誰大夫

夫人留後兒長源也昨日乘車騎大馬坐者為趨

乘者下廟堂不肯用干戈嗚呼奈汝母子何

十六年庚辰依徐州武寧軍節度張建封

十九年癸未拜監察御史上書論宮市貶連州陽山令時有送浮屠文暢孟東野序

二十年甲申移江陵法曹叅軍途中作詩贈三翰林未幾以四門博士召

二十一年乙酉正月德宗崩順宗立改元永貞韋執誼王叔文等用事又謀奪中官兵制天下之命是年八月皇太子卽位帝自稱太上皇上貶

執誼叔文等公作永貞行云君不見太皇諒陰未出命小人乘時偷國柄北軍百萬虎與貔天子自將非他師一朝奪印付私黨凜凜朝士何能爲狐鳴梟噪爭署置睽閃跳跟相嫉媚夜作詔書朝拜官超資越序曾無難公然白日受賄賂火齊磊落堆金盤元臣故老不敢語晝臥涕泣何況瀾董賢三公誰復惜侯景九錫行可歎國家功高德且厚天位未許庸夫干嗣皇卓犖

信英主文如太宗武高祖膺圖受禪登明堂共
流幽州鮫死羽四門肅穆賢俊登數召匪親豈
其朋郎官清要爲世稱荒郡迫野嗟可矜湖波
連天日相騰蠻俗生梗瘴癘蒸江氛嶺稜昏若
凝一蛇兩頭見未曾怪鳥爭鳴令人憎蠱虫羣
飛夜撲燈雄虺毒螫墮股肱食中置藥肝心崩
左右使令詐難憑慎勿浪信當兢兢吾嘗同僚
情可勝具書自見非妄徵嗟爾既往宜爲懲是

歲又作五箴

年三十八

憲宗元和元年丙戌權知國子博士作釋言

二年丁亥是歲作元和聖德詩

三年分司東都始宰相鄭公文公獻之有譖

公者遂作釋言至是不自安乃求分司

四年是歲真爲國子博士改分司都官員外郎

五年爲河南令是歲效玉川子月蝕詩

六年入拜職方員外郎時有送窮文寄盧仝詩坐

論華陰令柳澗事復爲博士作進學解執政奇其才改比部郎中史館修撰轉考功郎中修撰如故數月以考功知制誥論討蔡事與裴度議合月滿遷中書舍人賜緋魚袋後卒以謗語改太子右庶子

自六年至十一年也

十二年丁酉裴度宣慰淮西奏公行軍司馬有從軍洎途中諸篇其間次潼關寄張十二使君詩云荆山已去華山來日照潼關四扇開刺史莫

辭迎候遠相公新破蔡州迴又次潼關上都統相公云暫辭堂印執兵權盡管諸軍破賊年冠蓋相望催入相待將功德格皇天又桃林夜賀晉公云西來騎火照山紅夜宿桃林臘月中手把命珪兼相印一時重疊賞元功數篇皆有與旨元濟平遷刑部侍郎

十四年正月表乞燒棄佛骨疏入貶潮州刺史有次藍關示姪孫湘詩云一封朝奏九重天夕貶

唐詩紀事 九
潮陽路八千欲爲聖明除弊事豈將衰朽計殘
年雲橫秦嶺家何在雪擁藍關馬不前知汝遠
來應有意好收吾骨瘴江邊是歲十月量移袁
州刺史酌張韶州詩云明時遠逐事何如遇赦
移官罪未除北望詎令隨塞雁南遷纔免葬江
魚將經貴郡煩留客先惠高文謝起予暫欲繫
船韶石下上賓虞舜整冠裾又留別張使君云
來往再逢梅柳新別離一醉綺羅春久欽江總

文才妙自歎虞翻骨相屯鳴笛急吹催落日清
歌緩送感行人已知奏課當徵拜那復淹留詠
白蘋

十五年庚子至袁州是歲正月憲宗崩穆宗召爲
國子祭酒長慶元年辛丑轉兵部侍郎七月成
德軍大將王廷湊殺田弘正

二年公奉命宣撫鎮州時爲幽鎮招撫使公有行
次承天營酬裴公詩云竄逐三年海上歸逢公

復此著征衣旋吟佳句還鞭馬恨不身先去鳥
飛是歲二月廷湊解深州之圍牛元翼歸京師
六月裴度罷李逢吉爲相始公有和裴公感恩
言志詩云文武功成後居爲百辟師林園窮勝
事鐘鼓樂清時擺落遺高論雕鐫出小詩自然
無不可范蠡爾其誰又和裴公朝回見寄云盡
瘁年將久公公今始暫閑事隨憂共減詩與酒俱
還放意機衡外收身矢石間秋臺風日迥正好

看前山時牛李黨熾裴介其間累遭謗讟故公
詩有高蹈之語是歲拜京兆尹

三年罷京兆尹爲兵部侍郎尋拜吏部侍郎

四年甲辰有南溪始泛詩是歲公以病罷吏侍故
有餘年諒無幾休日愴已晚自是病使然非由
取高蹇又有足弱不能步自宜收朝蹟之句十
二月二日卒於靖安里年五十七

張籍

短歌行云青天蕩蕩高且虛上有白日無根株流
光暫出還入地使我年少不須更與君相逢勿
寂寞衰老不復如今樂玉卮盛酒置君前再拜
願君千萬年

節婦吟寄東平李司空云君知妾有夫贈妾雙明
珠感君纏綿意繫在紅羅襦妾家高樓連苑起
良人執戟明光裏知君用心如日月事夫誓擬
同生死還君明珠雙淚垂何不相逢未嫁時

白紵歌云皎皎白紵白且鮮將作春衣稱少年裁
縫長短不能定自持刀尺向姑前復恐蘭膏汚
織指常遣傍人收墮珥衣裳著時寒食下還把
玉鞭鞭白馬

將軍行云彈箏峽東有胡塵天子擇日拜將軍蓬
萊殿前賜六纛還領禁兵爲部曲當朝受詔不
辭家夜向咸陽原上宿戰車彭彭旌旗動三十
六軍聲上隴隴頭戰勝夜亦行分兵處處收舊

城胡兒殺盡陰磧暮擾擾唯有牛羊聲邊人親
戚曾戰歿今逐官軍收舊骨磧西行見萬里空
樂府獨奏將軍功

白頭吟云請君膝上琴彈我白頭吟憶昔君前嬌
笑語兩情宛轉如縈素宮中爲我起高樓更開
花池種芳樹春天百草秋始衰棄我不待白頭
時羅襦玉珥色未暗今朝已道不相宜揚州青
銅作明鏡暗中持照不見影人心迴互自無窮

眼前好惡那能定君恩已去若再返菖蒲花青
月長滿

文昌有謝裴司空馬詩云乍離華廐移蹄澁初到
貧家舉眼驚此馬乃是一遲鈍不能行而多驚
詩人之微而顯亦少其比

寒食內宴云朝光瑞氣滿宮樓綵燾魚龍四面稠
廊下御厨分冷食殿前香騎逐飛毬千官盡醉
猶教坐百戲皆呈未放休共喜拜恩侵夜出金

吾不敢問行由

宿江上云楚驛南渡口夜深來客稀月明見潮上
江靜覺鷗飛旅次今已遠此行殊未歸離家久
無信又聽搗寒衣或云劉長卿餘干旅舍云搖
落暮天迥丹楓霜葉稀孤城向水閉獨鳥背人
飛渡口月初上隣家漁未歸鄉心正欲絕何處
搗征衣槩相類也

籍字文昌和州人歷水部外郎終主客郎中

答鄱陽客云江臯歲暮相逢地黃葉霜前半夏枝
子夜吟詩向松桂心中萬事喜君知乃知藥名
詩自元和間已為之矣

蕃漢斷消息死生長別離句長於送人處憶得別

家時句流光暫出還入地使我年少不須更句

採樵莫採松與栢松栢生枝堅且直與爾作屋

成家宅句右張為取作主客圖

退之送東野序云唐有天下陳子昂蘇源明元結

李白杜甫李觀皆以其所能鳴其存而在下者
孟郊東野始以其詩鳴其高出晉魏不懸而及
於古其他浸淫乎漢氏矣從吾遊者李翱張籍
其尤也三子者之鳴信善矣抑不知天將和其
聲而使鳴國家之盛邪抑將窮餓其身思愁其
心腸而使自鳴其不幸耶三子者之命則存乎
天矣其在上也奚以喜其在下也奚以悲

籍詩善敘事如拜豐陵云歲朝園寢遣公卿學省

班中亦攝行身逐陵官齊再拜手持木鐸叩三
聲寒更報點來山殿曉炬分行照栢城却下龍
門看漸遠金峰高處日初晴

送令狐尚書東都留守云朝廷重寄在關東共說
從前選上公勳業新成大梁鎮恩榮便守洛陽
宮行香鬢出天橋上巡禮常過禁殿中每領羣
官拜章表半開門仗日曛曛

田司空入朝云西來將相望兼雄不與諸軍覲禮

同早變山東知順命新收濟上立殊功朝官敘
謁趨門外恩使宣迎滿路中闐闐曉開銅漏盡
身當受冊大明宮

送汀洲元使君云曾成趙北歸朝計因拜王門最
好官爲郡暫辭雙鳳闕全家遠過九龍灘山鄉
只有輸蕉戶水鎮應多養鴨欄地僻尋常來客
少刺桐花發共誰看

送李僕射愬赴鎮鳳翔云由來勳業屬英雄兄弟
連榮列位同先入賊城擒惡首盡封筦庫讓元
公旌幢獨繼家聲外竹帛新添國史中天子欲
收秦隴地故教移鎮古扶風

送裴相公鎮太原云盛德雄名遠近知功高先乞
守藩維銜恩暫遣分龍節署勅還同在鳳池天
子親臨樓上送朝官齊出道邊辭明年塞北諸
蕃落應起生祠請立碑

白樂天讀籍詩集云張公何爲者業文三十春尤

攻樂府詞舉代少其倫姚合讀籍詩有詩云妙
絕江南曲淒涼怨女詩古風無敵手新語是人
知

籍樂府詞清麗深婉五言律詩亦平澹可喜七言
詩則質多文少人才各自有宜不可強文飾也

史延

清明賜新火云上苑連侯第清明及暮春九天初
改火萬井屬良辰頒賜恩踰洽承時慶亦均翠

煙和柳嫩紅焰出花新寵命尊三老祥光燭萬
人太平當此日空復荷陶鈞

大曆九年留守蔣渙試進士於東都延登第

丁澤

龜負圖詩云天意將垂象神龜出負圖五方行有
配八卦義寧孤作瑞旌君德披文叶帝謨乘流
新得路逢聖喜存軀蓮葉池通泛桃花水自浮
還尋九江去安肯曳泥塗

唐詩紀事 十七
澤大曆十年試龜負圖詩爲東都第一

樊宗師

蜀綿州越王樓詩序云綿之城帝獨掀掀明威瀾
石峭馳涪瀨左陵凌紅穗簪天地送行癸壬且
掬跔踴于西北蟠紅顏青越王正故爲樓重軒
疊飛門窻蒙傘寒寒予始登謂日明昏曉可窺
其背雷電合風雲遇霜辛露酸星辰介行鬼神
變化草木顯繡髻銜蓑芰皆可察極旣縈視其

江帶又極視其土岡斷暴遠近山嶮嶮若闔之
束皇天原開見荆山我其黃河澗然爲曲直淚
雨落不可掩因口其心曰無害若其自果星星
過歸尚悲不能解重爲詩以釋益不可顧謂郡
中諸君能無有意綴以華艷其念蓄云

危樓倚天門如闔星辰宮榱題薄龍怪洄洄繞雷
風徂秋試登臨大靄屯喬空不見西北路考懷
益雕窮石瀨薄濺濺土山杳穹穹昔人創爲逝

唐詩紀事 十八
所適醜顏紅今我茲之來猶按成歲功輟田植
科畝遊圃歌芳叢地財無叢厚人室安取豐旣
乏富庶能千萬慙文翁

宗師字紹述襄陽節度使澤之子韓退之誌其墓
曰爲文必出於己不襲蹈前人一言一句何其
難也必出於仁義其富若生蓄萬物必具海涵
地負放恣縱橫無所統紀然而不煩於繩削而
自合也嗚呼紹述於斯術其可謂至於斯極者

矣

李道昌

道昌唐大曆十三年爲蘇州觀察使一日郡城外
虎丘山有鬼題詩二首隱於石壁之上云青松
多悲風蕭蕭聲且哀南山接幽壠幽壠空崔嵬
白日徒昭昭不照長夜臺雖知生者樂魂魄安
能迴况復念所親慟哭心肝摧慟哭更何言哀
哉復哀哉又曰神仙不可學形化空遊魂白日

非我朝青松爲我門雖云隔幽顯猶如念子孫
何以遣悲惋萬物歸其根寄語世上人莫厭臨
芳罇莊生問枯骨王樂成虛言道昌異其事遂
具奏聞准勅令致祭道昌爲之文曰嗚呼萬古
丘陵化無再出君若何人能閑詩筆何代而亡
誰人子姪曾作何官是誰仙室寂寞夜臺悲乎
白日不向紙上石中隱出桃源三月深草垂楊
黃鶯百轉猿聲斷腸不題姓字寧辨賢良嗚呼

哀哉歎昔先賢空傳經史終無再還青松嶺上
嵯峨碧山大唐正業已記詩言痛復痛今何處
賔悲復悲今萬古墳能作詩今動天地聲悲怨
今淚霑巾感我皇今列清酌願當生今事明君
是時祭後經數日再有詩一絕于石云幽冥雖
異路平昔忝攻文欲知潛昧處山北兩孤墳於
寺後山之地果有二墳極高大荆榛藂茂詢諸
耆艾竟不知何姓氏至今猶存

皮日休和云念爾風雅魂幽咽猶能文空令傷魂
鳥啼破山邊墳

陸龜蒙和云靈氣猶不死尚能成綺文如何孤窳
裏猶自讀三墳

唐詩紀事卷第三十四 終





